

Inatsisartut suleriaasianni § 37, imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquutit:

1. Peqqinnissaqarfik aamma Inuunerissaavik Steno Kalaallit Nunaat ullumikkut oqimaappallaartunut imaluunniit pualavallaartunut sanigorsarnermut nakorsaatinik neqerooruteqarnermi piumasaqaatit suut tunngaviuppat?
2. Naalackersuisut uppersarsinnaavaat sanigorsarnermut nakorsaatiit nalinginnaasumik aatsaat BMI 40 sinnerlugu pualavallaartunut, kiisalu pualavallaarnerup kingunerisaanik nappaatilinnut neqeroorutigineqartartut?
 - a. Taamaappat, taamatut inissiisimaneq suna tunngavilersuutaava?
 - b. Taamaangippat, ullumikkut piumasaqaatit suut atuuppat?
3. Innuttaasut qassit ullumikkut Peqqinnissaqarfimmi/ Inuunerissaavik Steno Kalaallit Nunaat sukkornermut, sukkornissamut aarlerinartorsiornermut, oqimaappallaarnermut imaluunniit pualavallaarnermut tunngatillugu neqeroorutinut attuumassuteqarpat?
4. Innuttaasut qassit ullumikkut sanigorsarnermut nakorsaatinik imaluunniit sukkornermut nakorsaatinik sanigorsarnermik kinguneqartartunik katsorsartippat, ilaatigut Wegovy, Ozempic imaluunniit nakorsaatiit allat assingusut ilanngullugit?
5. Ukiuni 2023, 2024, 2025 kiisalu 2026-mut naatsorsuutigineqartuni sanigorsarnermut nakorsaatinut aamma sukkornermut nakorsaatinut sanigorsarnermik kinguneqartartunut aningaasartuutit ataatsimut qanoq annertutigisimappat?
6. Naalackersuisut nalilersuinikuuppat, innuttaasut qassit katsorsartinneqarnissamut ilanngunneqarsinnaalissagaluarnersut, katsorsartinneq siusinnerusukkut neqeroorutigineqarsinnaalissappat, ataasiakkaanut peqqinnissakkut aarlerinaatinik naliliineq tunngavigalugu?

Assersuutigalugu, BMI 35 sinnerlugu pualavallaarneq aamma pualavallaarnerup kingunerisaanik nappaat peqatigalugu, imaluunniit BMI 30 sinnerlugu pualavallaarneq aamma pualavallaarnerup kingunerisaanik nappaat peqatigalugu,
7. Naalackersuisut qanoq naliliippat, apeqquut 6-imi assersuutitut taaneqartunut katsorsartinneqarsinnaaneq annertusineqarpat ukiumut qanoq akeqassasoq?
8. Naalackersuisut peqqinnissakkut aningaasarsiornikkut nalilersuinikuuppat, oqimaappallaarnerup, pualavallaarnerup, sukkornissamut aarlerinartorsiornerup aamma sukkornerup siusinnerusukkut katsorsarneqartarneratigut

- kingusinnerusukkut nappaatit kingunerisartagaat akisunerusartut pinaveersaartinneqarsinnaanersut?
9. Naalakkersuisut qanoq naliliippat, oqimaappallaarnej, sukkornissamut aarlerinartorsiornej aamma sukkorneq piffissaagallartillugu katsorsarneqanngippata peqqinnissamut qanoq kinguneqarsinnaasut?
 10. Naalakkersuisut qanoq naliliippat, Kalaallit Nunaanni oqimaappallaartut, pualavallaartut, sukkornissamut aarlerinartorsiorlutik inuusut aamma sukkortut amerlasuunut pissutaasut pingaernerit suunersut?
 11. Naalakkersuisut oqimaappallaarnej, pualavallaarnej aamma sukkorneq pinaveersaartinniarlugit suut tigussaasumik suliniutigisimavaat?
 12. Meeqqanut, inuusuttunut, inersimasunut aamma ilaqutariinnut oqimaappallaarissamut, pualavallaarissamut imaluunniit sukkornissamut aarlerinartorsiornerusunut ullumikkut suut peqqinnerulernissamut siuarsaataasumik suliniutitut neqeroorutaappat?
 13. Naalakkersuisut qanoq naliliippat, pinaveersaartitsinermut aamma peqqinnerulernissamut siuarsaanermut suliniutit maannakkut atuuttut qanoq sunniuteqartarnerisut, aammalu suliniutit taakku sunniutaannik uppernarsaatiniq peqarpa?
 14. Naalakkersuisut isumaqarpat, nuna tamakkerlugu ataqatigiinnerusumik suliniuteqarnissaq pisariaqartinneqartoq, tassani pinaveersaartitsineq, siusissukkut paasisaqarneq, inooriaatsimik ilitersuineq, nakorsaatiniq katsorsartinneq aamma malitseqartitsineq katsorsaanerisut aamma pinaveersaartitsinermut ataatsimoortumik aqqissuussinermut ilaatinneqarlutik?
 15. Naalakkersuisut innuttaasut oqimaappallaartut, pualavallaartut, sukkornissamut aarlerinartorsiorlutik inuusut aamma sukkortut pitsaanerusumik, siusinnerusukkut aamma sukkannerusumik katsorsartinneqarsinnaanissaat qulakkeerniarlugu suliniuteqassappat?

(Inatsisartunut ilaasortaq Pele Broberg, Naleraq)

Tunngavilersuut:

Oqimaappallaarnej, pualavallaarnej, sukkornissamut aarlerinartorsiornej aamma sukkorneq innuttaasunut ataasiakkaanut kiisalu Peqqinnissaqarfimmumut annertuunik kinguneqarsinnaallutik inuiaqatigiinni peqqinnikkut unammillernartuupput.

Apeqqutit siunertaraat ullumikkut katsorsartinnissamut periarfissat suunersut, innuttaasut qassit katsorsartinnerisut, suut piumasaqaatinik atuunnersut, kiisalu siusinnerusukkut



katsorsaanerup nappaatit kingunerisartagaat pinaveersaartissinnaanera paasisaqarfigissallugu.

Aammattaaq Naalackersuisut oqimaappallaartut aamma sukkortut amerlasuunut suna pissutaanersoq qanoq nalilernereat, kiisalu pinaveersaartitsinermut aamma peqqinnerulernissamut siuarsaanermut suut suliniutigineqarnersut paasisaqarfigissallugu kissaatigineqarpoq.

Siunertaq taamaallaat nakorsaatinik katsorsaanermik sammisaqanngilaq, kisiannili innuttaasut oqimaappallaartut, pualavallaartut, sukkornissamut aarlerinartorsiorlutik inuusut aamma sukkortut siusinnerusukkut, sukkanerusumik aamma ataqatigiinnerusumik ikiorneqartarnissaannik pisariaqartitsineq pillugu paasisaqarnerunissaq siunertaavoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.